

Te Anga Rautaki



Social Cohesion Guide

Social cohesion i Aotearoa

E whakarato ana tēnei tuhinga i tētahi huarahi hei ine i te anga whakamua ki ngā putanga, ki ngā hua rānei e hiahia nei e mātou kia kitea mō te social cohesion i Aotearoa. Mā te whakaahu whakamua i ēnei putanga mō te social cohesion, ka tata ake mātou kia tutuki tō mātou whāinga matua, tō mātou moemoeā rānei mō tētahi Aotearoa, i reira rā “kei te noho tahi e taurikura ana ko ngā tāngata, ko ngā whānau me ngā hapori”.

Ka mōhio tātou mēnā kua pai te anga whakamua mō te social cohesion mā te aromatawai i te mahi e mahia nei e mātou mā ngā tauākī putanga e rima e whai ake nei.

1. Kua kōtuia ngā tāngata, ngā whānau me ngā hapori, ā, e noho huānga rātou
2. E hiahia ana ngā tāngata, ngā whānau me ngā hapori ki te whai wāhi, ā, ka taea te pērā.
3. E kauawhitia ana ngā tāngata, ngā whānau me ngā hapori i runga i te tōkeke
4. Kua mōhioia ngā tāngata, ngā whānau me ngā hapori mō ō rātou ake tūāhua, ā, e whakaute ana rātou i ētahi atu.
5. E whakawhirinaki ana ngā tāngata, ngā whānau me ngā hapori tētahi ki tētahi, ā, e whakawhirinaki ana i ngā whakahaere tūmatanui.

Ko tō mātou whāinga ko te tuku i ngā whakautu pai ki ia o aua tauākī i runga anō i te mahi e mahia nei e mātou. Ka āwhina te kaha o aua whakautu ki te ine i te anga whakamua ki tō mātou moemoeā matua (arā, “kei te noho tahi e taurikura ana ko ngā tāngata, ko ngā whānau me ngā hapori”).

Ka haere whakamua hoki mātou ki tō mātou moemoeā matua mā te whai kia haumarū ake, kia kauawhi, kia taunaki ngā wāhi e noho nei, e mahi nei e ako nei hoki te tangata. Kei roto hoki i taua mahi he whakarite kia matatika ake ngā pūnaha me ngā ratonga i roto i ō tātou nei pāpori, ā, ka taea e aua mea te urupare ki ngā hiahia me ngā take rerekē.

He mea nui te whakamahere me te whakahaere hei whai i te angitu, koinā te take e hiahia ana mātou kia arotahi tā mātou mahi, koringa rānei mō te social cohesion ki ngā wāhi matua e ono:

1. Te whakatoihara, arā te pēheatia kētia o te tangata nā te mātāwaka, nā te pakeke, nā te ira, nā te whaikaha, nā te hōkakatanga, nā ētahi atu rerekētanga rānei te take.
2. Ngā āheinga ngākaupai mā ngā rōpū kanorau ki te kōtui, ki te pāhekoheko hoki
3. Te whai wāhitanga ki ngā mahi whakahirahira pēnei i te pōti, i te mahi, i te mātauranga rānei, i te aha, i te aha.
4. Te toiora me ngā aukati ki te toiora
5. Te kauawhi me ngā uara e tuari tahitia ana
6. Te tiaki i tō tātou pāpori me te taiao mā ngā reanga e heke mai nei.

Kei te hiahia mātou hoki kia arahina tā mātou mahi, koringa rānei mō te social cohesion i roto i aua wāhi e ono, e ngā mātāpono e whā.

1. Te hautūtanga māia me te hiahia kia whakamātautauria ngā mea hou
2. Te whai i ngā moemoeā me ngā hiahia o ngā hapori
3. Te tāwariwaritanga me te mihi i ngā rerekētanga o ngā tāngata.
4. He raraunga kauawhi me te rangahau e whakaatu pai ake ana i ngā hiahia motuhenga

Me ārahi hoki tā mātou mahi, ā mātou koringa hoki e Te Tiriti o Waitangi, e tuku nei i tētahi tūāpapa kaha hei whakapakari i te social cohesion i Aotearoa.

Mā te whakahōnore Te Tiriti o Waitangi e āwhina i a mātou ki te hanga tahi i te whakawhirinaki me ngā hapori kia taea ai e mātou te mahi tahi kia tutuki ai ngā hua tōkeke, ngā hua tautika, inarā hoki kei ngā wāhi e ono e arotia nei e mātou.

Hui katoa, e whakamārama ana tēnei tuhinga i te rautaki māna e ārahi tā tātou mahi mō te social cohesion i Aotearoa.

